

阿毘達磨大毘婆沙論卷第一百二十八

五百大阿羅漢等造
三藏法師玄奘奉 詔譯

大種蘊第五中大造納息第一之二

藍字部分：《發智論卷十三》釋論範圍

大種所造處，幾有見？幾無見？

問：何故不問：「幾有色？幾無色？」

答：彼作論者，意欲爾故，隨彼意欲而造論。但不違法性，便不應責。

有說：所造無無色故，不得問言：「幾有色？幾無色？」

問：亦無無為，後不應問：「幾有為？幾無為？」

答：亦不應問，而後問者，當知彼是有餘之說。

有說：欲以種種文、種種說，莊嚴於義，令易解故。

復次，欲以二門、二階、二略、二明、二炬、二影、二光，互相顯示。

如無所造，是無色，故不問；如是有所造，是無為，故亦不應問。

如無所造，是無為，而得問；如是有所造，是無色，亦應問。

如是二門，互相影示，令知前、後問、答，理通。

有餘師言：此中分別所造諸色-幾有見等，既舉所造諸色為章，寧復可問：

「幾有色等」。以諸色言，即顯有色，色體皆有變礙義故，有彼色義，故名有色，非如有衣及有子等。

大種所造處，幾有見？答：一。

謂：色處。

問：何故色處，名為有見？

答：眼根名見，有見用故。所見色處，有能見眼，故名有見。

如有主等，或復見者，是能顯示色處相麁，可相顯示在此、在彼，相狀差別，所顯示色，有能顯示，故名有見。

如有名等，或復見者，是諸影像，唯有色處，可有影像，故名有見，餘則不爾。

幾無見？答：八，二少分。

八者。謂：眼、耳、鼻、舌、身、聲、香、味處。

二少分者。謂：觸處、法處。雖諸觸處，皆無見攝，而非一切是所造色。

若所造色，亦無見者。是此所問，餘非所問，故說少分；法處亦爾。

大種所造處，幾有對？答：九，一少分。

九者。謂：五內處及外四處。（眼、耳、鼻、舌、身、色、聲、香、味處）

一少分者。謂：觸處。雖諸觸處，皆有對攝，而非一切是所造色。

若所造色，亦有對者，是此所問，餘非所問，故說少分。

幾無對？答：一少分。

謂：法處。雖諸法處，皆無對攝，而非一切是所造色。

若所造色，亦無對者，是此所問，餘非所問，故說少分。

然！有對，有三種：一、障礙有對。謂：十色處。

二、境界有對。謂：五色根及心、心所。

三、所緣有對。謂：心、心所。

此中說障礙有對，非餘。

大種所造處，幾有漏？答：九，二-少分。

九者。如前說。（眼、耳、鼻、舌、身、色、聲、香、味處）

二-少分者。謂：觸處、法處。

雖諸觸處，皆有漏攝，而非一切是所造色。若所造色，亦有漏者，是此所問，餘非所問，故說少分。

非諸法處，皆有漏攝，亦非一切是所造色。若所造色，亦有漏者，是此所問，餘非所問，故說少分。

幾無漏？答：一-少分。

謂：法處。非諸法處皆無漏攝，亦非一切是所造色。若所造色亦無漏者，是此所問，餘非所問，故說少分。

大種所造處，幾有為？答：九，二-少分。

九者。如前說。（眼、耳、鼻、舌、身、色、聲、香、味處）

二-少分者。謂：觸處、法處。

雖諸觸處，皆有為攝，而非一切是所造色。若所造色，亦有為者，是此所問，餘非所問，故說少分。

非諸法處，皆有為攝。亦非一切是所造色。若所造色，亦有為者，是此所問，餘非所問，故說少分。

幾無為？答：無。彼皆有為故。

大種所造處，幾過去？答：十，一少分。

謂：除意處。

雖諸眼處，皆所造攝，而非一切皆在過去，有在未來、現在世故。若是所造，亦過去者，是此所問，餘非所問，故說少分；耳、鼻、舌、身、色、聲、香、味處亦爾。

非諸觸處，皆所造攝，亦非一切皆在過去。若是所造，亦過去者，是此所問，餘非所問，故說少分；法處亦爾。

如說過去，未來、現在說亦如是，有數等故。

（幾未來？答：十，一少分。

幾現在？答：十，一少分。）

大種所造處，幾善？答：三少分。

謂：色、聲、法處，雖諸色處，皆所造攝，而非一切皆是善性。若是所造，亦善性者，是此所問，餘非所問，故說少分；聲處亦爾。

非諸法處，皆所造攝，亦非一切皆是善性。若是所造，亦善性者，是此所問，餘非所問，故說少分。

幾不善？答：三-少分。如前說。

幾無記？答：七，三-少分。

七者。謂：五內處及香、味處。（眼、耳、鼻、舌、身、香、味處）

三少-分者。謂：色、聲、觸處。雖諸色處，皆所造攝，而非一切皆是無記。若是所造亦無記者，是此所問，餘非所問，故說少分，聲處亦爾。

雖諸觸處，皆無記攝，而非一切皆是所造。若是無記，亦所造者，是此所問，餘非所問，故說少分。

大種所造處，幾欲界繫？答：二，九少分。

二者。謂：香、味處。

九少分者。謂：五內處及色、聲、觸、法處。（眼、耳、鼻、舌、身、色、聲、觸、法處）

雖諸眼處，皆所造攝，而非一切皆欲界繫。若是所造亦欲界繫者，是此所問，餘非所問，故說少分。耳、鼻、舌、身、色、聲處亦爾。

非諸觸處，皆所造攝，亦非一切皆欲界繫。若是所造亦欲界繫者，是此所問，餘非所問，故說少分。法處亦爾。

幾色界繫？答：九少分。

如前說。（眼、耳、鼻、舌、身、色、聲、觸、法處）

幾無色界繫？答：無。

彼無色故。

大種所造處，幾學？答：一少分。

謂：法處。非諸法處，皆學所攝，亦非一切皆是所造。若是所造，亦學攝者，是此所問，餘非所問，故說少分。

幾無學？答：一少分。

如前說。（法處）

幾非學非無學？答：九、二少分。

九者。謂：內五處及外四處。（眼、耳、鼻、舌、身、色、聲、香、味處）

二少分者。謂：觸處、法處。

雖諸觸處，皆非學非無學攝，而非一切，皆是所造。若是非學非無學，亦所造者，是此所問，餘非所問，故說少分。

非諸法處，皆非學非無學攝，亦非一切，皆是所造。若是非學非無學，亦所造者，是此所問，餘非所問，故說少分。

大種所造處，幾見所斷？答：無。必無諸色，見所斷故。

幾修所斷？答：九、二少分。

九者。如前說。（眼、耳、鼻、舌、身、色、聲、香、味處）

二少分者。謂：觸處、法處。

雖諸觸處，皆修所斷攝，而非一切皆是所造。若修所斷，亦所造者，是此所問，餘非所問，故說少分。

非諸法處，皆修所斷攝，亦非一切皆是所造。若修所斷，亦所造者，是此所問，餘非所問，故說少分。

幾不斷？答：一少分。

謂：法處。非諸法處，皆不斷攝，亦非一切皆是所造。若是所造，亦不斷者，是此所問，餘非所問，故說少分。

若成就大種，彼所造色耶？

答：諸成就大種，彼成就所造色；有成就所造色，非大種。謂：諸聖者，生無色界。

誰成就大種及所造色？謂：欲、色界一切有情，此則總說。

若別說者：

或有有情，成多大種及多造色。

或有有情，成少大種及少造色。

•成多大種及多造色者→如大海中，有諸有情所得身形，或百、二百、三百、四百、五、六、七百踰繕那量；如曷邏呼阿素洛王所得身形，其量廣大；如色究竟所得身形，一萬六千踰繕那量。

•成少大種及少造色者→猶如蚊、蠅、水中虫等…乃至極細非人眼境。

問：何故聖者生無色界，唯成就造色，非大種耶？

答：彼界無色，又不成就他界大種，以有漏法，越地，捨故；造色不爾，通無漏故，異地成就。

無有聖者不成就無漏戒，是故聖生彼界，唯成就造色，於中，學成就學隨轉色，無學成就無學隨轉色。

若不成就大種，彼（不成就）所造色耶？

答：諸不成就所造色，彼不成就大種；有不成就大種，非所造色。謂：諸聖者生無色界。

誰不成就所造色及大種？謂：生無色界一切異生，彼界無有一切色故，又不成就下界色，故有漏諸色生上-失故，無漏諸色-彼未得故。

問：順前句中，何所不攝？而復須立順後句耶？

答：順前句中，唯攝欲、色界一切有情及攝無色界一切聖者，未攝無色界一切異生。為欲攝彼，故復立順後句。

若成就大種，彼（成就）善色耶？

答：應作四句。

①有成就大種，非善色。謂：處卵殼。若諸異生住胎藏中。若生欲界，住不律儀及非律儀非不律儀，無善身、語表，設有-而失。

彼處卵殼住胎，異生前生所有-表、無表色，由失所依，眾同分故，一切已捨，今於此位-未能起表，又無入定理故，不成就一切善色。

問：何故此位，未能起表？

答：以所依身極羸弱故，要身強盛，能起表業。

又此位，心極微劣故，心麤勝者，能發表業。

又此位，心內門轉故，心外門轉，能起表業。

又此位中，胎卵迫迮，尚不能動，況能起表？然！有時胎動轉者，此由風力，非心所為。表業必由心力所起。

問：何緣此位，無入定理耶？

答：此位，身、心俱羸劣故，又無入定，加行緣故。得忍異生，命終捨忍，如前《業蘊》已廣決擇，四生廣說，亦如《業蘊》。

若生欲界，住不律儀及非律儀非不律儀，無善身、語表者。謂：睡眠、醉悶及捨加行，不求起表，設有-而失者。調：由三緣故失：

一、意樂息。二、捨加行。三、限勢過。此亦如《業蘊》廣說。

②有成就善色，非大種。謂：諸聖者生無色界。

是聖者故，成就善色，生無色故，**不成就**大種。彼諸聖者**通學、無學**，學成學善色，無學成無學善色。

③有成就大種，亦善色。謂：諸聖者住胎藏中，若生欲界-住律儀，若住不律儀及非律儀非不律儀，現有善身、語表，或先有-不失。若生色界。

住胎聖者，定**成**有漏、無漏-無表，道力**強**故。

- 若生欲界-住律儀者→謂：隨所應住三律儀，住不律儀及非律儀非不律儀。
- 現有善身、語表者→謂：不睡眠、不醉、不悶、不捨加行、求起表業。
- 或先有-不失者→謂：三緣，故如前說。
- 若生色界者→彼定成就靜慮律儀故，有善色

④有非成就大種及善色。謂：諸異生，生無色界。

生無色故，不成大種。有漏善色-越界，捨故，無漏善色-彼**未得**故

若成就大種，彼（成就）不善色耶？

答：諸成就不善色，彼定成就大種；有成就大種，非不善色。謂：處卵殼及住胎藏。若生欲界，住律儀及非律儀非不律儀，無不善身、語表，設有-而失。若生色界。

謂：若成就不善色者，定在欲界。無在欲界不成大種，必有身故。由此得為順後句答，釋餘文句，准上應知。

若成就大種，彼（成就）有覆無記色耶？

答：諸成就有覆無記色，彼定成就大種；有成就大種，非有覆無記色。謂：生欲界。若生色界，現無有覆無記身、語表。謂：若成就有覆無記色者，定在色界。**無有**在色界不成大種，必有身故。由此得為順後句答～「無有生欲界起有覆無記表，善、染表業，依自、他身故。」

若成就大種，彼（成就）無覆無記色耶？答：如是。

設成就無覆無記色，彼（成就）大種耶？答：如是。

以成就大種者，必成就身根等故；若成就身根等者，必成就大種故

生欲、色界一切有情，皆成就大種及無覆無記色故。

生無色界，**二俱無**故。

若成就大種，彼（成就）善、不善色耶？

答：①有成就大種，非善、不善色。謂：處卵殼。若諸異生，住胎藏中。若生欲界，住非律儀非不律儀，無善、不善身、語表，設有-而失。

②有成就大種，亦善色，非不善色。謂：諸聖者，住胎藏中。若生欲界，住律儀，無不善身、語表，設有-而失。若住非律儀非不律儀，現有善身、語表，或先有-不失；無不善身、語表，設有-而失。若生色界。

③有成就大種，亦不善色，非善色。謂：生欲界，住不律儀，無善身、語表，設有-而失。若住非律儀非不律儀，現有不善身、語表，或先有-不失；無善身、語表，設有-而失。

④有成就大種，亦善、不善色。謂：生欲界，住律儀，現有不善身、語表，或先有-不失。若住不律儀，現有善身、語表，或先有-不失。若住非律儀非不律儀，現有善、不善身、語表，或先有-不失。
設成就善、不善色，彼（成就）大種耶？答：如是。
謂：成就善、不善色者，必在欲界。在欲界者，定成就大種故。

若成就大種，彼（成就）善有覆無記色耶？

答：①有成就大種，非善、有覆無記色。謂：處卵毼。若諸異生，住胎藏中。若生欲界，住不律儀及非律儀非不律儀，無善身、語表，設有-而失。
②有成就大種，亦善色，非有覆無記色。謂：諸聖者住胎藏中。若生欲界，住律儀。若住不律儀及非律儀非不律儀，現有善身、語表，或先有-不失。若生色界，現無有覆無記身、語表。
③有成就大種，亦善有覆無記色。謂：生色界，現有有覆無記身、語表。
設成就善有覆無記色，彼（成就）大種耶？答：如是。
謂：成就善有覆無記色者，必在色界；在色界者，定成就大種故。

若成就大種，彼（成就）善無覆無記色耶？

答：①有成就大種亦無覆無記色，非善色。謂：處卵毼。若諸異生住胎藏中，若生欲界，住不律儀及非律儀非不律儀，無善身、語表；設有-而失。
②有成就大種，亦善無覆無記色。謂：諸聖者住胎藏中。若生欲界，住律儀。若住不律儀及非律儀非不律儀，現有善身、語表，或先有-不失。若生色界。
設成就善無覆無記色，彼（成就）大種耶？答：如是。
謂：成就善無覆無記色者，必在欲、色界；在欲、色界者，定成就大種故。

若成就大種，彼（成就）不善有覆無記色耶？答：無。

謂：成就善色者，必在欲界；成就有覆無記色者，必在色界，無一有情俱生二界故。

若成就大種，彼（成就）不善無覆無記色耶？

答：①有成就大種，亦無覆無記色，非不善色。謂：處卵毼及住胎中。若生欲界住律儀及非律儀非不律儀，無不善身、語表；設有-而失。若生色界。
②有成就大種，亦不善無覆無記色。謂：生欲界，住不律儀。若住律儀及非律儀非不律儀，現有不善身、語表，或先有-不失。
設成就不善無覆無記色，彼（成就）大種耶？答：如是。
謂：成就不善無覆無記色者，必在欲界；在欲界者，定成就大種故。

若成就大種，彼（成就）有覆無記無覆無記色耶？

答：①有成就大種，亦無覆無記色，非有覆無記色。謂：生欲界。若生色界，現無有覆無記身、語表。
②有成就大種，亦有覆無記無覆無記色。謂：生色界，現有有覆無記身、語表。
設成就有覆無記無覆無記色，彼（成就）大種耶？答：如是。
謂：成就此二無記色者，必在色界；在色界者，定成就大種故

若成就大種，彼（成就）善、不善有覆無記色耶？答：無。

謂：成就善、不善色者，必在欲界；成就善有覆無記色者，必在色界。無一有情俱生二界故。

若成就大種，彼（成就）善、不善無覆無記色耶？

答：①有成就大種，亦無覆無記色，非善、不善色。謂：處卵毼。若諸異生，住胎藏中。若生欲界，住非律儀非不律儀，無善、不善身、語表；設有-而失。

②有成就大種亦善無覆無記色，非不善色。謂：諸聖者，住胎藏中。若生欲界，住律儀，無不善身、語表，設有-而失。若住非律儀非不律儀，現有善身語、表；或先有-不失，無不善身、語表；設有-而失。若生色界。

③有成就大種，亦不善無覆無記色，非善色。謂：生欲界，住不律儀，無善身、語表；設有-而失。若住非律儀非不律儀，现有不善身、語表；或先有-不失，無善身、語表，設有-而失。

④有成就大種，亦善、不善無覆無記色。謂：生欲界，住律儀，现有不善身、語表；或先有-不失。

若住不律儀，现有善身、語表；或先有-不失。

若住非律儀非不律儀，现有善、不善身、語表；或先有-不失。

設成就善、不善無覆無記色，彼（成就）大種耶？答：如是。

謂：成就此三色者，必在欲界；在欲界者，定成就大種故。

若成就大種，彼（成就）善有覆無記、無覆無記色耶？

答：①有成就大種，亦無覆無記色，非善有覆無記色。謂：處卵毼。若諸異生住胎藏中。若生欲界，住不律儀及非律儀非不律儀，無善身、語表，設有-而失。

②有成就大種，亦善無覆無記色，非有覆無記色。謂：諸聖者住胎藏中。若生欲界，住律儀。若住不律儀及非律儀非不律儀。现有善身、語表；或先有-不失。若生色界，現無有覆無記身、語表。

③有成就大種，亦善有覆無記、無覆無記色。謂：生色界，现有有覆無記身、語表。

設成就善有覆無記、無覆無記色，彼（成就）大種耶？答：如是。

謂：成就此三色者，必在色界；在色界者，定成就大種故。

若成就大種，彼（成就）不善有覆無記、無覆無記色耶？答：無。

謂：成就不善無覆無記色者，必在欲界；成就有覆無記、無覆無記色者，必在色界。無一有情俱生二界故。

若成就大種，彼（成就）善、不善有覆無記、無覆無記色耶？答：無。

謂：成就善、不善無覆無記色者，必在欲界；成就善有覆無記、無覆無記色者，必在色界。無一有情俱生二界故

若成就善色，彼（成就）不善色耶？

答：應作四句。

- ①有成就善色，非不善色。謂：諸聖者，住胎藏中。若生欲界住律儀，無不善身、語表，設有-而失。若住非律儀非不律儀，現有善身、語表；或先有-不失。無不善身、語表，設有-而失。若生色界。若諸聖者，生無色界。
- ②有成就不善色，非善色。謂：生欲界，住不律儀，無善身、語表，設有-而失。若住非律儀非不律儀，現有不善身、語表，或先有-不失，無善身語表，設有-而失。
- ③有成就善色，亦不善色。謂：生欲界，住律儀，現有不善身、語表，或先有-不失。若住不律儀，現有善身、語表，或先有-不失。若住非律儀非不律儀，現有善、不善身、語表，或先有-不失。
- ④有非成就善色及不善色。謂：處卵鰵。若諸異生，住胎藏中。若生欲界，住非律儀非不律儀，無善、不善身、語表，設有-而失。若諸異生，生無色界。

若成就善色，彼（成就）有覆無記色耶？

答：諸成就有覆無記色，彼定成就善色；或成就善色，非有覆無記色。謂：諸聖者，住胎藏中。若生欲界住律儀。若住不律儀及非律儀非不律儀，現有善身、語表；或先有-不失。若生色界，現無有覆無記身、語表。若諸聖者，生無色界。

若成就善色，彼（成就）無覆無記色耶？

答：應作四句。

- ①有成就善色，非無覆無記色。謂：諸聖者，生無色界。
- ②有成就無覆無記色，非善色。謂：處卵鰵。若諸異生，住胎藏中。若生欲界，住不律儀及非律儀非不律儀，無善身語表，設有-而失。
- ③有成就善色，亦無覆無記色。謂：諸聖者，住胎藏中。若生欲界住律儀。若住不律儀及非律儀非不律儀，現有善身、語表；或先有-不失。若生色界。
- ④有非成就善色及無覆無記色。謂：諸異生，生無色界。

若成就善色，彼（成就）不善有覆無記色耶？答：無。

謂：成就不善色者，必在欲界；成就有覆無記色者，必在色界。無一有情俱生二界故。

若成就善色，彼（成就）不善無覆無記色耶？

答：①有成就善色，非不善無覆無記色。謂：諸聖者，生無色界。

②有成就善色、亦無覆無記色，非不善色。謂：諸聖者，住胎藏中。若生欲界，住律儀，無不善身、語表，設有-而失。若住非律儀非不律儀，現有善身、語表；或先有-不失。無不善身、語表，設有-而失。若生色界。

③有成就善色，亦不善無覆無記色。謂：生欲界，住律儀，現有不善身、語表；或先有-不失。若住不律儀，現有善身、語表；或先有-不失。若住非律儀非不律儀，現有善、不善身、語表；或先有-不失。

設成就不善無覆無記色，彼（成就）善色耶？

答：或成就、或不成就。

云何成就？即如上說。

云何不成就？謂：生欲界，住不律儀，無善身、語表，設有-而失。若住非律儀非不律儀，現有不善身、語表；或先有-不失。無善身、語表，設有-而失。

若成就善色，彼（成就）有覆無記、無覆無記色耶？

答：①有成就善色，非有覆無記、無覆無記色。謂：諸聖者，生無色界。

②有成就善色，亦無覆無記色，非有覆無記色。謂：諸聖者，住胎藏中。若生欲界，住律儀。若住不律儀及非律儀非不律儀，現有善身、語表；或先有-不失。若生色界，現無有覆無記身、語表。

③有成就善色，亦有覆無記、無覆無記色。謂：生色界，現有有覆無記身、語表。

設成就有覆無記、無覆無記色，彼（成就）善色耶？答：如是。

謂：成就有覆無記、無覆無記色者，必在色界。在色界者，定成就善色故。

若成就善色，彼（成就）不善有覆無記、無覆無記色耶？答：無。

謂：成就不善無覆無記色者，必在欲界；成就有覆無記、無覆無記色者，必在色界。無一有情俱生二界故。

若成就不善色，彼（成就）有覆無記色耶？答：無。

謂：成就不善色者，必在欲界；成就有覆無記色者，必在色界。無一有情俱生二界故。

若成就不善色。彼（成就）無覆無記色耶？

答：諸成就不善色，彼定成就無覆無記色；有成就無覆無記色，非不善色。謂：處卵鰵及住胎中。若生欲界，住律儀及非律儀非不律儀，無不善身、語表，設有-而失。若生色界。

若成就不善色，彼（成就）有覆無記、無覆無記色耶？答：無。

如上說。

若成就有覆無記色，彼（成就）無覆無記色耶？

答：諸成就有覆無記色，彼定成就無覆無記色；有成就無覆無記色，非有覆無記色。謂：生欲界。若生色界，現無有覆無記身、語表。

如上所說，總略義者。謂：四大種，生欲、色界，必定成就。

生無色界，定不成就；無覆無記色亦爾。

- 善色→生色界，定成就；生欲、無色界，或成就、或不成就。
- 不善色→生色、無色界，定不成就；生欲界，或成就、或不成就。
- 有覆無記色→生欲、無色界，定不成就；生色界，或成就、或不成就。